

Dz wir dich hre mygent loben  
an swart. vñ an arbeit. also  
tvnt die die dich ictz sehēt von  
ogen ze ogen. In disen hymel  
sont wir gezogen vden. also  
dz wir gedenket an dz hymel  
sche gefinde. Ab ze vordrost an  
den mīncklichen Got d da ge  
sichtig ist von dem allv vrede  
allu wunne. allu süßebait  
flisset an den sol dv sele ge  
denken. wie schōne wie wun  
ncklich vñ wie gvt er ist vō  
dem allv gvti flisset. So tene  
dv sele an Got also vil schonhait  
vindet vñ gvti. so wirt si in min  
nend. won dv sele hat dz vō na  
ture dz si gvt ding mīnen mōz.  
So ist Got dz beste gvt vñ ist dz  
obrost gvt. vñ ist sin selbes gvt.  
vñ ist an im nit won gvti. vñ  
da von mōß in dv sele mīnen.  
Sit si von nature gvti ding  
mīnet. vñ vñ māngem gv  
te mīnet si ie dz beste. Sit tene  
Got dz beste ist. so mōß si in och  
mīnen für allu ding. vñ spri  
chet sant Bernh. dz dv volbo  
men sele drwaltig mīne zv

Gotte haben sol. **D**u erste  
haisset Amor. dv ist also. dz  
ich gantzen willen sol han  
Got ze mīnen. vñ dz d wille  
reht glüge vō mīnen. also  
mīne Got. **D**v and haif  
set dilectio. dz spricht ain  
anhaftung. **D**v mīne ist  
größer tene dv erste. won  
ich han zemerst amen brī  
nenden willen. vñ ainem  
gantzen willen. Got ze mī  
nende. **D**ar nach hefte ich  
min sele an Got. vñ mīne  
willen also dz zwischent  
mir vñ ~~du~~ im ain vestv  
anhaftung ist. dz mich vō  
im nit geschaiden mag.  
**D**v drute mīne haisset Ca  
ritas dv ist dv obrost. vñ  
ist also dz ich allen gelobt  
an Got habe dz mir löße  
ist an in gedenken. von im  
reden. vñ von im hören re  
den. vñ ich an kam ding  
anders gelobt habe won  
an im allaine. **w**on vñ  
ich den kam ding mīne  
won dvrtz Got. vñ also